

Ahmad Lutfiy asarlarining o'zbekcha nashrlari haqida

Afsuski, ta'kidlangan asarlar mutolaasi davomida kitobxon o'zbek tilining jozibasi to'la aks etgan asarni o'qish baxtiga musharraf bo'ladi, deyish qiyin. Misol uchun, "Abu Bakr Siddiq (Rasulullohning g'ordagi birodari)" "Movarounnahr", 2005) kitobini olaylik (Tarji- mon BB^BT"BB Sarvar Jahongirov). Abu Bakr (r.a.)dek kishiga bag'ishlangan tarixiy asarni tarjima qilib, xalqqa, o'quvchilar ommasiga yetkazib berilganligi tahsinga sazovor. Lekin... Avvalo, kitobning to'la nashri chamasi hali-hanuz tugatilmaydi, shekilli. Negaki, kitob noshirlari birgina romanni shu kungacha to'rt qismga bo'lib bosishdi. Kitob 1-dan 4-ga borgan sari yupqarib bormoqda-yu, oxiri ko'rinxmayapti.

Keyingi yillarda ko'p sonli diniy adabiyot namunalari o'zbek tiliga o'girila boshlandi. Xususan, "Hujjat ul-islom" Abu Homid G'azzoliyning "Ihyo-u ulumiddin" asarining arabchadan mahorat bilan qilinayotgan tarjimalarini tilga olish mumkin.

Turk tilidan amalga oshirilgan ko'plab diniy-falsafiy, tasavvufiy asarlarning tarjimalari sirasiga diniy xarakterga ega badiiy adabiyot namunalari ham qo'shilmoqda.

Taqdim etilayotgan asarlar orasida turkiyalik taniqli yozuvchi va olim Ahmad Lutfiy Qozonchi asarları salmoqli o'rın tutadi.

Ushbu maqolada, mazkur muallifning sof diniy-tarixiy zamirga ega "Saodat asri qissaları", "Abu Bakr Siddiq" va "Hazrati Umar" romanlarining o'zbekcha tarjimasi xususida so'z yuritmoqchimiz. Negaki, keyingi davrda o'zbek o'quvchilar tomonidan eng ko'p so'ralayotgan kitoblar orasida bu uch asar peshqadamlardandir.

Afsuski, ta'kidlangan asarlar mutolaasi davomida kitobxon o'zbek tilining jozibasi to'la aks etgan asarni o'qish baxtiga musharraf bo'ladi, deyish qiyin. Misol uchun, "Abu Bakr Siddiq (Rasulullohning g'ordagi birodari)" "Movarounnahr", 2005) kitobini olaylik (Tarji- mon BB^BT"BB Sarvar Jahongirov).

Abu Bakr (r.a.)dek kishiga bag'ishlangan tarixiy asarni tarjima qilib, xalqqa, o'quvchilar ommasiga yetkazib berilganligi tahsinga sazovor. Lekin...

Avvalo, kitobning to'la nashri chamasi hali-hanuz tugatilmaydi, shekilli. Negaki, kitob noshirlari birgina romanni shu kungacha to'rt qismga bo'lib bosishdi. Kitob 1-dan 4-ga borgan sari yupqarib bormoqda-yu, oxiri ko'rinxmayapti.

Tarjima aslida nima uchun qilinadi?..

Xalqni yangi asar va bilim bilan tezroq boyib tish uchunmi yoki qanday bo'lsa-da, bozorgir kitobni naridan beri tarjima qilib, pul ishslash uchunmi?! Axir bu kitob hazrati Muhammad (s.a.v.)ning eng yaqin safdoshi va tarixda sadoqatiyu, sobit e'tiqodi bilan nom qoldirgan ulug' inson haqida-ku!.. Nahotki, ma'naviy mas'uliyat his qilinmasa?! Asarning 1-kitobini qo'liga olgan o'quvchi muqovaning o'zidayoq imlo xatosiga duch keladi: "Rasululloh" o'rni "rosululloh" yozilgan. Yaxshiki, keyingi kitoblarda bu xato tuzatildi. Lekin yana bir adabsiz yanglishlik davom etgan. Ya'ni kitob muqovasida ham, titul varag'ida ham asar muallifining nomi berilmagan. Faqatgina ichki sahifa ostida kichik harfBlar bilan "Ahmad Lutfiy Qozonchi "Abu Bakr Siddiq" "Muvarounnahr", 2005", deb ko'rsatilgan.

Ha, ajablanmang, muallif va kitob nomidan keyin tinish belgilari qo'yilmay, imloviy xatolar bilan xuddi shu tarzda 2-, 3- va 4-kitobda ham berilgan.

Xo'sh, nega asar muallifining nomi yuqoriga chiqarilmaydi. Bu uning ma'naviy va mualliflik haqqi-ku!

Biz hazrati Abu Bakr (r.a.) haqida yaratilgan, go'zal bir tarixiy asarni badiiy jihatdan mukammal tarjimada o'qish uchun kitobni sotib olganmiz va kamoli qiziqish bilan o'qishga tutinamiz.

Biroq dastlabki sahifalardayoq g'aliz ifodalarga duch kelamiz. To kitobning to'rtinchisigacha, aksariyat o'rnlarda tumtaroq jumlalar, egayu kesimi, to'diruvchiyu aniqlovchisining o'rni almashib ketgan gaplarni o'qiymiz. Juda ham yaxshi kayfiyatda olgan kitobingizni azbaroyi ma'naviy ahamiyati uchungina avlaysiz. Yo'qsa...

Mana, 1-kitob muqaddimasidagi dastlabki parchalar:

"Ilyon sohibi bo'lish barchamizning eng avvalgi, niyatimiz va maqsadimizdir. Bu maqsad bizni bevosita dinni chuqurroq o'rganishga, sahabalar hayoti bilan tanishishga ro'baru qiladi..."

Bir qaraganda, mazmun bor, gap ham aniqdek. Lekin diqqat etilsa, turkcha qurilgan jumla o'zbekcha so'zlar ishtirokida takrorlangan, xolos. O'zbek kitobxoni uchun o'zbekcha tarjimada berilsa bo'lmasmi? Masalan, shunday: "Barchamizning asos niyatimiz va bosh maqsadimiz, albatta, imonli bo'lishdir. Ushbu maqsad bizlarni dinimizni chuqurroq o'rganishga va sahabalarning hayot yo'lli bilan tanishib borishga undaydi..."

Xuddi shu sahifadagi yana bir jumla: "Payg'ambarimiz (s.a.v.)ni eng yaxshi tanigan, boshqalarga nasib qilmagan ko'pgina xotiralarga ega bu qimmatli insondan ham, afsuski, juda kam xotiraga egamiz..."

Xo'sh, bu gapdan biror mazmun angBlay oldingizmi?

Fikri ojizimizcha, mutarjim: "Afsuski, hazrati payg'ambarimiz (s.a.v.)ni eng yaxshi bilguvchi va ul zot haqlarida, o'zgalarga nasib qilmagan, ko'plab go'zal xotiralar sohibi bo'lmissi bu qadrli insonning o'zi haqida juda kam yodnomalarga egamiz..." deya tarjima qilmoqchi bo'lgan ko'rindi.

Tarjima asnosida nafaqat tilni yaxshi bilish, balki o'zbek adabiy til me'yori, gap qurilishi va, qolaversa, turkcha so'zlarning kontekstdagi o'zbekcha muvofiq ekvivalentlarini topa bilish ham kerak. Masalan, asarning 4-kitobi 37-betida: "Bu gaplardan hazrat Sayfullohning ko'zlar yashnab ketdi..." deyiladi. O'zbekchada ko'z yashnaydi, yuz yashnaydi, ko'z chaqnaydi.

Yana bir muhim jihat, tarjima uchun tanlangan so'zlardan matn mazmun-mohiyatiga mos so'z sinonimini ishlatish lozim bo'ladi.

Misol uchun, ushbu asarning 2-kitobi 8-sahifasida shunday qisqa suhbat keltirilgan:

"BT" Assalomu alaykum, ey, Abu Bakr!..

- Vaalaykum assalom, Rasululloh (sav)ning seviklilar

- Biz sening huzuringga yordam berish niyatida keldik..."

"Rasulullohning seviklilar" turk tili uchun uyg'un, o'zbekchada esa biroz o'ng'aysiz jaranglaydi. Agar "sevikli" o'miga "mahbub" qo'llanilsa, maqbulroq bo'lardi. Turk tilida hatto ota-onaga ham "sen" deya murojaat etiladi. Ammo xalqimiz uchun bu odobsizlik sanaladi va tarjimalarda ham bu an'anaga amal qilinsa, xususan, Rasululloh va Abu BakrBdek ulug' insonlarga, albatta, "siz" deya murojaat qilinsa, yaxshiroq bo'lardi.

Yana bir muhim masala shuki, ba'zi istiloh, joy va kishi nomlarini qanday bo'lsa, shundayicha o'giravermaslik kerak. Masalan, mazkur asar tarjimasining to'rtala kitobida ham "Bizans", "Amavi xonadoni", "valiy", "Rumlar", "juz'ya", "Qorin bin KirByonus" kabi kalimalarga duch kelinadi. Albatta, oddiy o'zbek kitobxoni uchun bu so'zlar notanish. "Bizans" - turklar qadimgi Vizantiyani shunday atashadi, "Umaviylar"ni esa "amavi" deyishadi, "valiy" so'zi esa "do'st" ma'nosida bo'lib, asar matnida "voliy" - "boshqaruvchi" mazmunida kelmoqdadir, "Rumlar" emas "rumliklar", "juz'ya" emas, "jiz'ya", "Qorin bin Kiryonus" emas, "Qorun

ibn Kiryonus" tarzida berilishi kerak.

Shu o'rinda bir til qoidasini eslatish joiz. Turk tilining usmonliturk hatto, undan ham oldingi davrBlarda qolgan bir xususiyatini tilshunoslar alohida ta'kidlashadi. U ham bo'lsa, "turkchadagi kalima oldi-berdisida iste'molga kirayotgan ajnabiy so'zlarni xuddi o'zidek qabul etilmagan va ularni turk tili fonetikasiga uyg'unlashtirilgan. Hatto olinayotgan kalimalar sas jihatidangina o'zgarishga uchrab qolmay, balki ko'p hollarda ma'nova va qo'llanish doirasida ham o'zgarish ro'y bergen..." (Prof.Dr. Muhamrem Ergin. Turk dili. Istanbul, 1992, 162).

O'zbek tilida esa bu holatga ko'p ham duch kelinmaydi. Bizda ko'proq so'zning asliga tayanish kuchli. Nazarimizda, tarjimonlar ana shu jihatga e'tibor bermaganlar.

Yana bir qiziq holat shuki, ushbu kitoblarning dastlabki uchtasida "Muqaddima"lar berilgan. Aslida ham yozuvchi bir asarga uch muqaddima yozganmi, degan savol paydo bo'ladi.

Asarda yoritilayotgan voqealarga e'tiborsizlik yoki nima tarjima qilinayotganini fahmlamaslik holati ham kuzatiladi. Mana, qarang: "Jumladan keltirishimiz mumkin, hazrat Abu Bakr (r.a.) Madinaga kelib, sahabalar bilan uchrashdi. Bu gal Rumlar bilan ro'baru kelish vaqt kelgan edi. Ular ham xuddi shu fikrBda ekanliklarini aytishdi. Shunday qilib, Mutening intiqomi olinardi..." (3-kitob, 3-4-betlar).

Aytish kerakki, zotan Abu Bakr Madinada edilar va u kishi sahabalar bilan uchrashish uchun Makkaga borganlar. Shuning uchun ushbu jumla taxminan quyidagicha berilishi kerak edi: "Jumladan, hazrati Abu Bakr (r.a.)ni Makkaga borib, sahabalar ila uchrashish asnosida, rumliklar bilan to'qnashish vaqt kelganligi haqida qilgan muhokamalari edi. Sahobalar ham xuddi shu fikrda ekanliklarini aytishdi va shu tariqa, Muta'ning intiqomi ham olinar edi..."

Fikrimizcha, bu qadar g'arib tarjimaning asosiy sababi - shoshma-shosharlik. Asar originali va tarjimasini mutaxassis nazaridan o'tkazib olishda aslo loqaydlik va besabrilik qilmaslik kerak.

"Hazrati Umar" asarining tarjimasi ("Mavarounnahr", 2005) esa yuqorida ta'kidlangan nuqsonlardan anchagina xoli. Yosh tarjimon Shoakmal Shoakbar o'g'li va muharrir Abdug'afur Iskandarning astoydil mehnat qilganliklari sezilib turibdi. Asar nashri yuqoridagidan farqBli ravishda muallifi ko'rsatilgan holda, chiroylidizayn bilan ikki kitob holida o'quvchilarga taqdim etilgani ham kishini mamnun qiladi.

"Hazrati Umar" kitobi ancha ravon o'qiladi, tarjima asnosida munosib so'z tanlashga diqqat qilingan. Jumlalar bayoni sodda va tushunarli. Ammo ba'zi o'rnlarda gap qurilishi va mazmun ifodalashda g'alizlik uchraydi. Misol uchun, 2-kitob 95-sahifadagi: "Kaskar serunum yerli, odamlar boy yurt edi" jumlasini "Kaskar yerlari serunum, odamlari boy yurt edi" yoki ko'p takrorlangan "amir ul-mo'minin" iborasi "amir al-mo'minin" tarzida berilsa, muvofiq bo'lardi. Yoxud 1-kitob 16-betdag'i "boykot" so'zi o'rniga "e'tiroz", "rad qilish" mazmunidagi boshqa biror o'zbekchaga uyg'unroq so'z ishlatsa, kitobxon yaxshiroq tushunardi.

E'tiborsizliklar tufayli ro'y bergen ba'zi jiddiy kamchiliklar ushbu kitobning ham husnini buzib turibdi. Masalan, 2-kitobning 89-sahifasida o'qiyimiz: "Chunki Alloh taolo "Moida, 93" degan. Men esa Allohdan taqvo qilaman..."

To'g'ri, zukko kitobxon Qur'oni karimdag'i "Moida" surasining 93-oyatini o'qib olishi kerakligini angBlaydi. Biroq hamma badiiy asarda ham kerakli adabiyotlarga ishoralar qilinaversa... unda badiiylik mohiyati qayda qoladi?!

"Men esa Allohdan taqvo qilaman..." jumlesi esa sharhga muharrir. Ushbuni "Men Allohdan qo'rqib taqvo qilaman" deyilsa, mazmunga uyBg'un bo'lardi. Chunki ishora qilingan oyatda ham "Allohdan qo'rqib, chiroyli amallar qilish" haqida so'z boradi. Yana bir nuqson: nashrning 126-141 sahifalar oraliq'idagi asar matni mazkur kitobning avvalgi, aniqrog'i, 36-51-betlarining aynan o'zidir.

Ushbu nuqsonlarni texnik kamchilik ham deylik, lekin minglab o'quvchilarga taqdim etilayotgan nashrlar uchun bu kabi kamchiliklar loyiq emas!..

Ma'lumki, tarjimachiligidan ko'p yillik tajribaga ega va uning o'ziga xos an'analari ham ma'lum qadar shakllangan. Birgina misol, Rashod Nuri Guntekining mashhur "Choliquishi" romanining Mirzakalon Ismoiliy tomonidan amalga oshirilgan o'zbekcha tarjimasi tarjimon mahorati tufayli hanuz kitobxonlar tomonidan sevib mutolaa qilinadi.

Yuqorida nomlari tilga olingan asarlarda esa tarjimon mahorati va tajribasi sezilmaydi, hatto o'zbek tilining adabiy me'yorlaridan bexabarlik ko'zga tashlanadi. Tarjima qilish uchun faqat tilni bilish kamlik qiladi va har bir til biluvchi badiiy tarjimonlik huquqiga ega emas. Buning uchun yozuvchilik iste'dodi va bilim ham talab qilinadi. "Saodat asri qissalari" ana shu talab asosida tarjima qilinganiga guvoh bo'lasiz. Balki shuning uchundir, Nurulloh Muhammad Raufxon tomonidan tarjima qilingan "Saodat asri qissalari" asarida yuqorida ta'kidlangan ko'p kamchiliklarni uchratmaysiz. Kitob muallifi ham hurmat bilan ko'rsatilgan, dizayn va tahrir masalalari ham o'rinni, chiroyli hal etilgan.

"Saodat asri qissalari" asarining avvalgi ikki kitobi tarjimasining mashaqqatli va muvaffaqiyatlari tahriri muharririga endi uchinchi kitobning tarjimoni sifatida o'rtaqa chiqishga da'vat qilgandek. Mazkur asarning uchinchi kitobi ("Sharq", 2004) ham ravon o'qiladi, kitobxonning voqealar rivoji sari qiziqishi orta boradi. Rasululloh (s. a. v.) hayotlariga oid turfa xil tarixiy voqealarning go'zal tasviri o'quvchini o'sha davr muhiti va ruhiyatiga olib kira organ.

Ko'plab kitob ixlosmandlarining hatto ko'chalarda ushbu asarni berilib o'qiyotganliklarining guvohi bo'ldik. Ko'pchilik to'la qoniqish, hatto ko'z yosh bilan o'qiganliklarini gapirib berishdi. Bunga sabab holatlar asarning ma'naviy ruhi bilan birga tarjimaning mahorat ila amalga oshirilganligida hamdir.

Shunday bo'lsa-da, ushbu asar tarjimasining ham ba'zi o'rnlarda turkcha matnga kuchli taqlid sezilib qolgan. Misol uchun, 3-kitobning 8-sahifasidagi jumla: "Bu dafa qirmiziga tortib ketadigan qora yuzli xotin o'rnidan turdi..."

Bizningcha, ushbu gapni o'zbekcha qilib: "Bu dafa qizg'ishtob bo'lib ketgan qoramag'iz ayol o'midan turdi" deyilsa, uyg'un tushardi.

Yoki 9-betda berilgan: "Ehtimolki, bu toshmalar ichini to'ldirgan azoblarning uchlari edi" jumlesi ham g'aliz, ham tushunarsiz.

Buning o'rniga: "Ehtimol, bu toshmalar to'lib-toshib kelayotgan azoblardan nishona edi" deyilsa, mazmun aniqroq chiqardi.

Tarjimadagi bu kabi nuqsonlardan yana bira turkcha murojaat uslubini saqlashga intilishdir.

"B'B" Sizni nima injitdi, yo Nabiyalloh?" - deb so'rashdi" (3-kitob, 13-bet).

Axir shu savolni o'zbekchada sodda, ravon va go'zal qilib: "Nima sizni ranjitdi" yoki "Yo Nabiyalloh, sizni nima ranjitdi?" deyish mumkin emasmi?..

Ammo shuni kamoli qoniqish bilan aytish kerakki, "Saodat asri qissalari" Ahmad Lutfiy Qozonchi asarlari ichida, ayrim kamchiliklariga qaramay, o'zbekchaga eng muvaffaqiyatlari amalga oshirilgan tarjimadir. Ushbu nashr Ahmad Lutfiy kabi boshBqa turk adiblarining asarlarini tarjima qilayotgan mutarjimlar uchun o'nak bo'la oladi. Zamonaliv turk tilidan o'girilgan yana boshqa

This is not registered version of TotalDocConverter
asarlar, rusasani "Qaynom", "Og'ay", "Mulla Orasai qolgan qiz", "Aldangan Ayselning tavbasi", "Vijdon azobi", "Gullar suvsaganda" kabi kitoblarning past saviyada tarjima qilinganligi esa alohida maqola mavzusidir.

Maqoladan ko'zlangan maqsad nomlari tilga olingan asarlar tarjimasini zinhor-bazinhor kamsitish emas. Asosiy niyatimiz - kitobxonning yuksak talabini qondiradigan va, eng muhimi, didni o'ldirmaydigan asarlarni ko'proq ko'rish va o'qish istagidir.